




Lisette Malmberg

Kiborando Barera

Obedeciendo Dios, cumpliendo cu destino

Lisette Malmberg ta un persona di influencia den diferente areanan di nos comunidad. Como shareholder di De Palm Corporation N.V., y un veterano den e Industria di Turismo y tabatin un rol significant den e Directiva di AHATA (Aruba Hotel and Tourism Association) pa hopi aña. Ademá, e tabata un miembro di e Directiva di Aruba Quality Foundation y Aruba Hospitality and Tourism Security Foundation. Pero despues di un encuentro cu Dios cu a cambia su bida, Lisette a bini na e conocimiento di e proposito y plan di Dios pa su bida, pa medio di Cristo Hesus. El a dedica su bida na studia e Palabra di Dios y laga otro sa di Palabra di Dios y laga otronan sa di e habilidad di Dios pa salba, sana, libera y transforma bida.



10 Years of New Life

TABERNACLE

di e gracia di Dios, y ta un congregacion local vibrante, posiciona pa avansa e Reino di Dios na Aruba! Pastor Malmberg tambe a funda Kingdom Leadership Institute na 2008, cual ta un scol di preparacion cu un mision pa yuda hende descubri nan proposito den bida, nan diseño, donnan, talentonan y temperamento, y con pa haci un diferencia den nos nacion, segun e plan original di Dios.

Bo a wordo yama door di Dios pa comparti y expande e Evangelio di e Reino di Dios pa tur e nacionnan. Bo a asumi e reto y ta cumpliendo cu ne. Con bo yamada a impacta bo bida y bida di otronan?

E yamada aki a cambia mi bida den tur sentido... Na prome luga, tur cos cu bale la pena ta rekiri sacrificio. Ora m'a yega na pia di Cristo, mi tabatin un yiu di 2 año. Ora m'a cuminsa e iglesia NLT, e tabatin 9 año... Mi ta gradici Dios pa e amor y e pasenshi cu El a duna mi yiu, pasobra hopi biaha e mester a sacrifica tempo cu su mama pa e bienestar di otronan y e crecimiento di e obra. Tambe como hende muhe, e enfoke y dedicacion cu ta un pastor ta demanda, a haci cu m'a scoge pa keda soltera durante tur e añanan aki. Mi ta realisa cu lo rekeri un hende homber hopi special y scogi pa Dios, pa tene pasenshi y pa ta dispuesto pa comparti su casa cu asina hopi hende y demanda di su tempo. Pero ora mi wak kico Dios a haci den bida di hende, tur sacrificio ta tiki y mi ta biba cu gratitud na Dios pa e privilegio aki...

“ Hopi biaha nos como hende muhe ta kere cu nos por cambia un homber. Mi kier encurasha mi ruman muhenan pa bisa nan, cu ta Dios so por cambia hende! Esey kemen cu nos mester uza discernimento y puntra Dios kico ta e curason di e persona y si e ta pas den nos destino, prome cu nos bay, mas profundo den e relacion. ”

Makeup by Maruta Sneek Veeris
INGLOT Cosmetic
Fotografo: Angelo Trimon Studio

Door di su conocimiento, su experticio y influencia den e comunidad local Comercial, el a bira un bos entre e iglesia y e luga di mercado, asina conectando nan, haciendo avancen nan nobo pa e Reino di Dios na Aruba.

Pastor Malmberg tin un Bachelor Degree den ciencia, cu un *Major* den Marketing di Universidad St. Thomas na Miami, FL., y un *Bachelor Degree* den Ministerio Practico di Wagner Leadership Institute na Pasadena, CA. Tambe e ta un coach certifica den e *John Maxwell Coaching Program*. E ta un minister ordena door di *Open Bible Standard Churches Inc.*, y ta ricibi cobertura apostolico door di *Harvest International Ministries*.

New Life Tabernacle Church & Ministries a wordo estableci den e distrito di Noord, y a cuminsa sirbi e comunidad riba 3 di maart, 2002. Bou di e liderazgo di su pastor fundado, e iglesia a experencia crecimiento maravioso, pa medio



"Mi ta stima musica, lesa, wak pelicula y landa. Mi gusta come tambe y entre mi cumindanan faborito ta Sushi, cuminda Hapones, Chines, of Thai, y naturalmente... Surnam, y mi gusta un pisca fresco hasa cu pan bati..."



"E predichinan ta prepara na momento di kietud y den intimidad cu Dios pa medio di e Palabra."

Con e aceptacion tabata ora b'a cuminsa como pastor?

Palabra di Dios ta bisa cu na e fruta bo ta reconoce e mata... Mi ta compronde cu, den tur cos cu nos haci, ta tuma tempo pa gana confiansa y esaki no tabata diferente den e proceso aki. Entre e pueblo e aceptacion tabata hopi grandi y mi mester bisa cu nos programa di television "E Palabra di Bida" a contribui hopi na esaki. Hende ta aprecia e forma practico con nos ta presenta e Palabra di Dios, y e testimonionan di personanan cu tabatin un berdadero encuentro cu Cristo y cu ta atende nos iglesia, ta papia pa su mes.

Kico ta Pastor Lisette su 'forsanan' como persona y como Minister di Dios?

Dios ta duna nos donnan pa sirbi otro y parti di nos "biahe" Cristian ta, pa descubri kico El a pone den nos! E Palabra di Dios ta papia di e donnan di ministerio, cu den mi caso, mi tin e donnan di profecia, maestro, pa encurasha otro, pa duna y e don di liderazgo. Tambe tin e donnan di Spirito Santo, cu den mi caso ta e don di sabiduria, conocimiento, fe y sanacion. Tur hende cu acepta Cristo como Señor y Salvador ta ricibi Spirito Santo, y E ta duna cada un su donnan pa asina nos por cumpli cu nos proposito.

"Niun di nos ta yama pa cana nos so, nos mester di compania den bida, esaki ta sabi y" saludabel pa nos mes.



Como Minister di Dios, kico ta esencial ora di scoge un pareha?

Mi ta kere prome cu nos casa, ta importante pa desaroya nos relacion cu Dios y descubri nos mes den Dje. Niun hende no por ta responsabel pa otro hende su felicidad. Si bo no ta feliz riba bo mes, un pareha lo no haci bo feliz tampoco. Nos felicidad ta ancla den Dios y den e desaroyo di nos proposito den bida. Pa mi, e caracteristicanan di mas importante di un homber ta, cu e tambe conoce Cristo, cu e ta stim'E y cu tin un relacion intimo cu Ne. Cu e sa kico su proposito ta den bida y ta canando den su direccion, cu tin e frutanan di Spirito Santo den su bida, manera amor, pasenshi, gozo, paz, fiedad, control propio, etc. Y obviamente, pa e stima mi cu un amor sincero, y ta acepta y sostiene mi yamada...

Den ki forma e hecho cu bo ta un Embahadora di Reino di Dios ta refleha den bo carera profesional?

Ken nos ta den Cristo, mester refleha den nos forma di ser, nos forma di bida... E no

ta algo pa diadomingo so. Dios ta duna nos den Su Palabra e yabinan pa exito, e principianan cu ta goberna tur aspecto di bida. Si nos obedece nan y implementa nan den nos bida, e resultado lo ta un exito sostenibel. Mi meta ta pa tin e caracter di Cristo y esey ta algo cu mi ta compromete cu ne tur dia di nobo. Mi ta asina gradicido na Dje, pasobra E ta un Dios di gracia y amor y E ta carga pasenshi cu nos den nos desaroyo, ora E wak cu nos curason ta anhele na esaki, aunke cu ainda nos ta haci eror of faya, semper nos por bay bek cerca Dje pa ricibi pordon y ayudo.

Como negociante, ta importante pa tin integridad den locual nos ta haci, pa trata hende cu ta traha pa bo compania hustamente y tin interes sincero den nan desaroyo. Tambe pa ofrece servicio of producto cu ta sirbi otro den un spirito di excelencia, cu e meta pa mehora cada dia mas y mas den tur aspecto. Exitu ta un resultado di algo. E principianan manera; bon maneho di finanza, trabou duro, sacrifica awe pa por tin mañan, tur e cosnan aki ta contribui na un bida cu ta refleha Cristo y ta trece Su bendicionnan.



Obediencia na Dios y somete na Su autoridad. Ki rol esakinan a hunga den bo bida?

Bendicion y mas bendicion y ainda mas bendicion! E ta trece paz, gozo y e ta yudando mi cumpli cu mi proposito. Niun di nos ta yama pa cana nos so, nos mester di compania den bida, esaki ta sabi y saludabel pa nos mes. Pero nos mester laga Dios yuda nos den scoge esnan cu lo mentor nos, wak e frutanan den e persona su bida. Si e tin e caracteristicanan cu abo lo kier of ta desea, e ora ey wak su bida y siña di dje.

**“Pa ta un mama soltera,
tampoco tabata facil,
pero si posibel”
den bista di Dios!**

Kico ta e desafionan di mas grandi cu b'a encontra?

Mi retonan di mas grandi...hmmm... Tin hopi, pero por ta esnan cu mas mi a siña for di nan ta con pa anda cu soledad, con pa pordona ora hende cu haci bo daño of bisa e cosnan di bo cu no ta berdad cu e intencion di baha bo, con pa vence e obstaculonan grandi den negoshi y tambe den ministerio, semper mirando e solucion y no e problema of reto.

Con New Life ta ofrece pa yuda un persona den problema?

New Life ta un luga caminda bo por haya un encuentro cu Dios, pa ricibi instruccion con pa aplica Su principionan den bo bida den un forma practico y tambe un centro pa wordo ekipa pa

cumpli cu bo proposito den bida. Den esey nos tin hopi cos pa ofrece hende ayudo, den tur tipo di situacion di bida, door di introduci nan na Esun cu tin tur e contestanan...Cristo Hesus!

Tur hende ta bonbini na New Life Tabernacle?

Sigur cu si!!! Si bo tin deseo di tin un relacion berdadero cu Dios, si bo kier wordo sana di bo dolonan, haya pordon di bo picanan, y si bo kier descubri bo proposito den bida, si bo kier haci un contribucion den bo generacion, segun e plan di Dios pa bo bida, y bo kier hacie den relacion cu otro hende cu tambe ta den e mesun caminda, bo lo por encontra esaki a traves di Cristo Hesus, na New Life.

Ki importancia e revelacion di Escritura, pa medio di Spirito Santo, tin den bo bida?

E ta un di e cosnan di mas importante den mi relacion cu Dios... pa conoce Su character, Su forma di ta, Su boluntad pa mi bida. Pa sa con pa mi biba e bida cu El a duna mi. Mi mester tin revelacion di Su Palabra y ta Spirito Santo ta mi guia den tur cos. E ta Esun cu ta guia nos den tur berdad.

Bo ta haya cu e pueblo mester aplica mas principio di e Palabra den Bijbel?

Dios ta bisa den Su Palabra: "Mi pueblo ta perece pa falta di conocimiento"... E berdad ta cu bo no por aplica loke bo no sa. P'esey nos tin tanto problema den sociedad, den tur area, pasobra hopi di nos no sa con Dios a crea e cosnan pa funciona. Ora nos aplica Su principionan den nos bida, den nos structura- y sistemanan den sociedad - gobierno, negoshi, famia, trato cu otro, etc., bo lo ripara cu e solucionnan t'ey y cu bida no mester ta dificil ora nos obedece Su mandamentonan.

Makeup by Maruta Sneek Veeris
INGLOT Cosmetic
Fotografo: Angelo Trimon Studio

**Grabacion programa "Palabra di Bida"
cu ta den aire tur Diadomingo na Tele Aruba**



Fotografo: Franco Sneek